



Streik em Missionszelt?

Et woar alt weher moa Zeltmission em Sejerland
Doa machte sech en "Evangelist" wahne intressant
Het em Missionszelt va dr Kanzel geloahrt
Bet de Doare schwätze es vam Deuvel, okkult on verkoahrt
Mr ka awer Jesus aroofe on sä, "Leewer Ma
Schwätz du moa bet minne Vorfahrn, wenn ech dat ohne Deuvel net ka"

Ech doachte, he dat hälste net us em Kopp
Doa kregeln sech einem bim Zohörn de Foosnäjel ob

Zo dä Zitt woar grad en Streik bi dr Deutsche Post
En Freund never mir säd: "Ech ha et emmer gewosst
Dr Herr Jesus es bi dr Postgewerkschaft organisiert
Weil de Kommunikation bet de Doare grad net funktieniert

Gestern woll ech en Schwatt bet oosem Opa ha
Nur am anern En gong nemes dra
Ech woll sä: 'Opa, hal du dorwe em Hemmel de Wacht
Loa onne ha mr din Hus verkauft on doava Urlaub gemacht"

Mr mosste doabi so knochehart lache
Dat mr oos e dem Zelt kon ken Freunde mache
Mr söll meine, so en Stuss gert net ob de Hut va ner Koh
Loasst doch wernichstens de Doare bet so nem Geschwätz e Roah
On de Postillione bim Streike sowieso